

Broj: 06-03-1180-09/181/16
Mostar, 03.07.2017. godine

Na osnovu člana 17. Zakona o naftnim derivatima u Federaciji Bosne i Hercegovine („Službene novine Federacije BiH“, broj 52/14), člana 10., člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“, broj 24/14 i 91/15), člana 8. stav (1) i člana 32. stav (5) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“, broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“, broj 57/12, 71/14 i 31/16), člana 14. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede („Službene novine Federacije BiH“, broj 15/16) i člana 2. stav (2) Odluke FERK-a o iznosima jednokratnih naknada za obradu podnesaka – prečišćeni tekst („Službene novine Federacije BiH“, broj 5/17), postupajući po Zahtjevu za izdavanje dozvole za rad (licence) za skladištenje naftnih derivata osim LPG-a, podnosioca „NATRON-HAYAT“ d.o.o. Maglaj, Liješnica bb, Maglaj, broj 06-03-1180/181/16 od 16.12.2016. godine, Zahtjevu broj 06-03-1180-07/181/16 od 16.06.2017. godine i Zahtjevu za povrat jednokratne naknade za obradu zahtjeva broj 06-03-1180-08/181/16 od 22.06.2017. godine, FERK je 03.07.2017. godine na XII redovnoj sjednici donijela

ZAKLJUČAK

1. Postupak pred FERK-om pokrenut po Zahtjevu za izdavanje dozvole za rad (licence) za skladištenje naftnih derivata osim LPG-a broj 06-03-1180/181/16 od 16.12.2016. godine, podnosioca zahtjeva „NATRON-HAYAT“ d.o.o. Maglaj, obustavlja se u cijelosti zbog odustanka podnosioca.
2. Odobrava se Zahtjev za povrat jednokratne naknade za obradu zahtjeva broj 06-03-1180-08/181/16 od 22.06.2017. godine podnosioca zahtjeva „NATRON-HAYAT“ d.o.o. Maglaj.
3. Ovaj zaključak je konačan, te se dispozitiv ovog zaključka objavljuje na internet stranici i oglasnoj tabli FERK-a.

Obrazloženje

Regulatorna komisija za energiju u Federaciji Bosne i Hercegovine - FERK primila je 16.12.2016. godine Zahtjev za izdavanje dozvole za rad (licence) za skladištenje naftnih derivata osim LPG-a pod brojem 06-03-1180/181/16 podnosioca „NATRON-HAYAT“ d.o.o. Maglaj. Postupajući po odredbi člana 9. Pravilnika o javnim raspravama i rješavanju zahtjeva, sporova i žalbi, primljeni zahtjev je pregledan u skladu sa članom 12., članom 19. i članom 23. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede. Nakon pregleda primljenog zahtjeva, a postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi i članom 12. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, FERK je podnosiocu zahtjeva 04.01.2017. godine pod brojem 06-03-1180-01/181/16 uputio Obavještenje o nedostacima podnesenog Zahtjeva za izdavanje dozvole za rad (licence) za skladištenje naftnih derivata osim LPG-a i odredio mu rok od osam dana radi otklanjanja uočenih nedostataka navedenih u obavještenju. Postupajući po istom, podnosilac zahtjeva je u FERK 16.01.2017. godine dostavio dio tražene dokumentacije primljene u FERK pod brojem 06-03-1180-02/181/16 i 02.02.2017. godine pod brojem 06-03-1180-03/181/16. FERK je u cilju upotpunjavanja zahtjeva 17.02.2017. godine pod brojem 06-03-1180-04/181/16 podnosiocu uputio Zahtjev za informacijama. Postupajući po navedenom zahtjevu za informacijama, podnosilac zahtjeva je dostavio dopis primljen u FERK 11.04.2017. godine pod brojem 06-03-1180-05/181/16 u kojem je detaljno obrazložio razloge zbog kojih nije u mogućnosti u kratkom roku dostaviti traženo po navedenom zahtjevu za informacijama. FERK je 06.06.2017. godine pod brojem 06-03-1180-06/181/16, a imajući u vidu protek vremena od

dana primanja posljednjeg dopisa, podnosiocu uputio novi Zahtjev za informacijama i odredio mu rok od osam dana radi otklanjanja uočenih nedostataka.

FERK je 16.06.2017. godine pod brojem 06-03-1180-07/181/16 primio podnesak u kojem je „NATRON-HAYAT“ d.o.o. Maglaj detaljno obrazložio razloge zbog kojih obustavlja aktivnosti na pribavljanju dozvole za skladištenje naftnih derivata.

U vezi navedenog, FERK je 22.06.2017. godine pod brojem 06-03-1180-08/181/16 primio podnesak kojim je „NATRON-HAYAT“ d.o.o. Maglaj zatražio povrat jednokratne naknade za obradu zahtjeva uplaćene po zahtjevu za za izdavanje dozvole za rad (licence) za skladištenje naftnih derivata osim LPG-a u iznosu od 300,00 KM.

U skladu sa članom 14. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede podnosilac zahtjeva za izdavanje dozvole za rad (licence) može odustati od svog zahtjeva tokom cijelog postupka, o čemu FERK donosi zaključak kojim se postupak obustavlja, a podnosilac zahtjeva ima pravo na povrat uplaćene jednokratne naknade za obradu zahtjeva ukoliko odustane od zahtjeva. Članom 2. stav (2) Odluke FERK-a o iznosima jednokratnih naknada za obradu podnesaka – prečišćeni tekst, pored ostalog, propisano je da podnosilac zahtjeva ima pravo na povrat jednokratne naknade za obradu podneska ukoliko odustane od svog podneska prije utvrđenog nacrta odluke FERK-a po istom podnesku.

Na osnovu svega navedenog, a obzirom da je postupak pokrenut po zahtjevu podnosioca koji je od svog zahtjeva odustao, o istom je kao pitanju proceduralnog karaktera, u skladu sa članom 32. stav (5) Poslovnika o radu Regulatorne komisije za energiju u Federaciji Bosne i Hercegovine, članom 78. Pravilnika o javnim raspravama i rješavanju zahtjeva, sporova i žalbi, članom 14. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede i članom 2. stav (2) Odluke FERK-a o iznosima jednokratnih naknada za obradu podnesaka – prečišćeni tekst, odlučeno kao u dispozitivu zaključka.

POUKA O PRAVNOM LIJEKU:

Protiv ovog zaključka podnosilac zahtjeva može tužbom pokrenuti upravni spor kod Kantonalnog/Županijskog suda Mostar u roku od 30 dana od dana prijema zaključka. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNIK FERK-a
Mile Srdanović s.r.